

丹台玉集

卷六
共六

明新安休邑後學孫文胤對薇父蒙著

古潤外父江東銘懷一父

常山縣庠盟弟黃袁仁德懷父

全閱

蘭陰盟弟方調元善長父

小兒科

男子婦人之病。可以問而知。可以切而得。斷死生。辨
難易。審差劇。猶有所依據。而不至於大悞。若小兒者。
懷抱之時。雖有所苦。而不能言。及能學語。又不能猜。

其苦之處。欲診其脉。則骸骨短小。氣血未足。寸關尺
將何以分。浮中沉將何以定。雖有一指滾取二部之
說。而終未得其部位。況至數急促。豈能以悉審之大
約八九至爲平。五六至爲遲。十一二至爲數。依稀彷彿
之間而已。故啞科治療之難。每十倍於大人。而尤
不可以不慎者也。惟虎口之脉。稍爲可驗。其脉在食
指外側。每一部一關三節。爲三關。男視在左。女視在
右。有筋脉如系。膜於肉內。仔細觀之。紫則爲風。紅則
傷寒。青則爲驚。白則爲疳。黃則爲脾。因青黑則爲

驚入掌則爲內吊。若三關通度爲沉痾之候。惟此可以少知之耳。雖然。幼科之治病。當多方求之。豈可執虎口之脉法。而盡小兒之諸病哉。必於病之未形。而用意察之。庶可以爲預消之地。如小兒呵欠連綿。乃小兒臟腑受邪。病之漸也。若面赤則知其風熱而瀉。肝之劑可以先服。面青則知其驚風而治驚之劑可以先服。面黃則知其爲脾虛而補脾之劑可以先服。多睡則知其爲內熱而清熱之劑可以先服。口中氣熱則知其爲傷風而疎風之劑可以先服。皆當隨症

形而先治之。勿俟其發而後用藥也。其有不治之症者。尤不可以不知。小兒眼上有赤脉。顙腫及陷者。一不治也。魚口。氣龕。嚙齒咬人者。二不治也。冷汗如雨。痰熱不退者。三不治也。臍風撮口。鎖肚吊腸者。四不治也。風攻頤頷。唇項腫硬者。五不治也。鼻有黑色者。六不治也。咳嗽。喘心痛者。七不治也。四肢浮腫者。八不治也。胃高而突起者。九不治也。五軟五硬者。十不治也。凡見此等之症。卽當去矣。苟不知幾而復藥之。則病者之歟。雖不由於我。我亦何辭於彼哉。大凡小兒

之病有常。多者不得所慾則易怒而啼。故肝病常多。
飲食不知節。雖飽而猶求食。故脾病常多。心神未定。
聞響易動。故驚病常多。性喜吮乳。甘食停積而易感。
風熱。故痰病常多。治兒之病。審其所常多者。酌而施
之。以已之意。參病之情。亦庶乎用藥之無悞也。然此
數種。雖或常有。而肝脾之病尤多。神而明之。存乎其
人。得心應手。不可以言求也。

初誕法

小兒在胎。稟陰陽五行之氣。以生臟腑。自骸藉胎液。

以滋養。受氣既足。自然生育。出世之時。口含血塊。啼聲一出。隨即嚥下。而毒伏於命門。遇天行時氣。或飲食停滯。或外感風寒。驚風發熱等因。發為瘡疹。須急於未啼時。用軟帛聚指。挖出其血。用黃連。礞砂。甘草。解之後。出痘亦輕。有嚥人。即時肚脹。嘔吐氣短。不乳者。用茯苓丸治之。但黃連性寒。若母稟氣膏梁積熱者。宜服若滋味淡薄。胎元弱者。又不宜用。硃砂固能解毒。然金石鎮墜。不若牛黃分許。蜜調與吮為佳。又

有嬰兒。因其難產。或冒風寒而垂危者。切不可斷

帶急烘綿絮。包抱懷中。急以胎衣置火中煨燒。更用
大紙松於臍帶上往來燎之。使煖氣入腹。須臾氣復
自甦。猶戒洗浴。恐腠理不密。元氣發泄。而外邪乘之
也。

立方

殊蜜法 朱以黃連煎湯拭兒口。吐去惡汁。再以殊
砂一分研細。蜂蜜少許抹兒口吮之。鎮心定鬼。安
神解毒。

牛黃法 以牛黃二分。殊砂半分。竹葉七片煎湯調

灌益肝膽除煩熱祛驚邪辟惡氣除小兒百病。

茯苓丸

赤茯苓

黃連

胎冷者
易芍藥

枳殼

各等分

右為末煉蜜為丸如桐子大每服一九乳汁化下

護胎法

小兒初生肌膚未實宜用舊絮護其背不可太煖更宜頻見風日則血氣剛強肌肉緻密若藏於重幃密室或厚衣過煖則筋骨軟脆不任風寒多易致病水服當隨寒熱加減但令背煖為佳亦勿令出汗恐表

虛屈邪易傷乳哺不宜過飽若宿滯不化用消乳丸
治之陳氏所謂恐三分寒喫七分飽頻揉肚少洗澡
要肚煖頭涼皆至論也須令乳母預慎七情六淫厚
味炙煇則汁清寧見不致病保嬰之法未病則調治
乳母既病則審治嬰兒亦必兼治其母爲善

立方

消乳丸

砂仁

炒

蓬朮

煨

三稜

陳皮

神麴

麥芽


各五錢

香附

一兩炒

面部氣色舉症圖

右爲末。麴糊爲丸。蘇子大。每服三丸。白湯下。



下頰屬腎水。左腮屬肝木。大庭印堂屬心火。鼻準屬脾土。右腮屬肺金。半週兩歲爲嬰兒。三四歲爲孩兒。五六歲爲小兒。七八歲爲齠髫。九歲爲童子。十歲爲穉子矣。

面部氣色雜症

古云小兒謂之芽兒如草之芽如水之源蓋四臟腑
脆嫩口不能言最難投劑當首察色而知其所屬次
驗虎口以辨其所因實爲治法之簡要也

小兒有病看面部全依氣色決分明望聞問切能
窮究臨病方無拘手尋面部諸般各有屬眉稜上
下俱屬木左目太陽右太陰鼻準脾家土心應唇
口兩傍脾所居兩目顧問腎之墟額同顴臉屬心
火左頰原來肝所主右頰膚中是肺基四時各有

一色強。依時無急逆時殃。要分旺相休囚否。盡在
人心自酌量。春天青旺亦爲相。黑休白囚黃否家。
夏天赤旺黃相吉。青休黑囚白不良。假爲肝病面
青時。白色當春末易醫。此是肺金來尅木。色黃又
被脾家欺。心病夏天尚面赤望色只愁形色黑。此
披腎水尅心火。白色又被肺家屈。肺病愁來面白
宜。若行赤色最難除。此因心火尅肺金。青色反令
肝作威。腎病面黑各天相。黃色現時多悵快。此乃
脾土尅腎水。色赤反致心磨障。脾居四季面形黃。

如遇青色最難當。此爲肝木剋脾土。色黑反使腎
家強。春赤夏黃秋黑色。冬青雖相亦無益。從前來
者實彰傳。實瀉其子乎。方吉。五臟所屬各一宮。五
色分來人不全。色內能分明與滯。據色方能辨吉
凶。心赤順時鷄冠色。不宜瘀血糊塗赤。肝形翠羽
順光多色。如嫩草安爲吉。脾色貴如蟹腹黃。形如
枳實必災殃。肺形獨貴豬脂狀。枯骨定知壽不長。
腎色最尚如鳥羽。形如炭煤非吉理。色色去將兩
色分。吉凶灼然不虛語。更看人氣清明順神昏氣

緩作凶認。瘦而氣壯。色必實。肥而氣怯。色必嫩。氣壯則實。以安祥。氣怯則虛。壽不長。再看得病面。如何發熱。額上紅必多。青色現時急驚作。若成昏暗。定知殂。額冷足冷。夾食驚。額熱足熱。傷風重。顙門貴合不宜陷。腫起成坑。兩無用。印堂青色驚之病。紅色心驚。白主和。或見微微青紫色。只因客忤。驀相過。山根青。今驚爲疾。紫色傷於乳和食。瀉脫宜。黃白須。灰年壽。黃爲吐利。基若成。眈白是平虛。兩頰赤爲啼哭熱。左腮紅是痰氣爲。右腮紅是傷風。


熱面青唇赤傷寒至面日皆黃濕熱生面黃弄舌
 五心熱兩眉紅主兒夜啼眉縐頭疼痢疾爲眼腫
 浮腫主久嗽病之將瘥目皆黃淡紅心熱無多說
 目多直視乃驚風赤脉貫睛肝病凶魚目定睛非
 吉兆瞳人中陷死之宗

三關觀指舉症

虎口三關左手圖應心肝



虎口三關右手圖應脾肺



魚形




男兒推拳大姆指於外爲順爲逆

女兒推拳大姆指於內爲順爲逆

青色驚風赤身熱

懸針形

青黑或驚赤色肺熱慢驚




如環形

主傷食嘔吐




如蟲形

主傷硬米麵物



水字形

主咳痰積滯驚風



如鈞形

主傷生冷物



曲向外形

主傷風寒



乙字形

主驚馬色青黑慢脾風



雙鈞形

主傷寒



曲向裏形

主傷寒無汗

